



張曲江集卷二

五言排律

奉和聖製南郊禮畢酺宴

配天昭聖業。率土慶輝光。  
春發三條路。醴開百戲場。  
流恩均庶品。縱觀聚康莊。  
妙舞來平樂。新聲出建章。  
分曹日抱戴。赴節鳳歸昌。  
幸奏承雲樂。同晞湛露陽。  
氣和皆有感。澤厚自無疆。  
飽德君臣醉。連歌奉柏梁。

奉和聖製早渡蒲津關

魏武中流處。軒皇問道迴。  
長堤春樹發。高掌曙雲開。  
龍負王舟渡。人占仙氣來。  
汀津會日月。天

仗役風雷東顧重關盡西馳萬國陪還聞股肱  
郡元首詠康哉

奉和聖製同二相南出雀鼠谷

設險諸侯地承平聖主巡東君朝二月南旆擁  
三辰寒出重關盡年隨行漏新瑞雲叢捧日芳  
樹曲迎春舞詠先馳道恩華及從臣汾川花鳥  
意併奉屬車塵

奉和聖製經河上公廟

昔者河邊叟誰知隱與仙姓名終不識章句此  
空傳跡爲坐忘晦言猶強著詮精靈竟何所祠  
宇獨依然道在紆宸範風行動睿篇從茲化天

下清淨復何先

奉和聖製送尚書燕國公赴朔方

宗臣事有征廟筭在休兵天與三台座人當萬  
里城朔南方偃革河北甍揚旌寵錫從仙禁光  
華出漢京山川勤遠畧原隰軫皇情爲奏薰琴  
唱仍題寶劍名聞風六郡勇計日五戎平山甫  
歸應疾留侯功復成歌鍾旋可望枕席豈難行  
四牡何時入吾君憶履聲

奉和聖製途經華山

萬乘華山下千巖雲漢中靈居雖突密睿覽忽  
玄同日月臨高掌神仙仰大風攢峯勢岌岌翊

釐氣雄雄揆物知幽贊銘勳表聖衷會應陪檢  
玉來此告成功

奉和聖製早登太行山率爾言志

孟月攝提貞乘時我后征晨嚴九折度暮戒六  
軍行日御馳中道風師卷太清戈鋌林表出組  
練雪間明動植希皇豫高深奉睿情陪遊七聖  
列望幸百神迎氣色煙猶喜恩光草尚榮之果  
稱萬歲今此復同殷

奉和聖製登封禮畢洛城醴宴

大君畢能事端宸樂成功運與千齡合歡將萬  
國同漢醴歌聖酒韶樂舞薰風河洛榮光遍雲  
煙喜氣通春華頓覺早天澤倍加崇草木皆沾  
被猶言不在躬

奉和吏部崔尚書雨後大明朝堂望南山

迢遍終南頂朝朝閭闔前謁來青綺外高在翠  
微先雙鳳褰爲闕群龍儼若仙還知到玄圃更  
是謁甘泉夜雨塵初滅秋空月正懸詭容紛入  
望霽色宛成妍東極華陰踐西彌嶧冢連奔峯  
出嶺外瀑水落雲邊漢帝宮將苑商君陌與阡  
林華鋪近甸煙靄遠晴川既庶仁斯及分憂政  
已宣山公啓事罷吉甫頌殷傳濟濟金門步洋  
洋玉樹篇徒歌雖有屬清越豈同年

和崔尚書喜雨

積陽雖有晦。經月未爲災。上念人天重。先祈雲漢迴。仁心及草木。號令起風雷。照爛陰霞上。交紛瑞雨來。三辰破黍稷。四達屏氛埃。池溜因添滿。林芳爲灑開。聽中磬滴瀝。空處影徘徊。惠澤成豐歲。昌言發上才。無論驗石鼓。不是御雲臺。直頌皇恩浹。崇朝遍九垓。

和許給事中直夜簡諸公

未央鍾漏晚。仙宇藹沈沈。武衛千廬合。嚴扃萬戶深。左掖知天近。南窓見月臨。樹搖金掌露。庭徙玉樓陰。他日聞更直。中霄屬所欽。殷華大國寶。夙夜近臣心。逸興乘高閣。雄飛在禁林。寧思竊抃者。情發爲知音。

和裴侍中承恩拜掃旋轡途中有懷寄州

縣官寮鄉園故親

嵩嶽神惟降。汾川鼎氣雄。生才作霖雨。繼代有清通。天下稱賢相。朝端挹至公。自家來佐國。移孝入爲忠。霜露多前感。丘園想舊風。扈巡過晉北。問俗到河東。便道恩華降。還鄉禮教崇。野樽延故老。朝服見兒童。後有缺

和姚令公哭李尚書

貴賤雖殊等。平生竊下風。雲泥勢已絕。山海納

還通忽歎登龍者。翻將弔鶴同。琴詩猶可託。劍履獨成空。疇昔嘗論禮。興言每匪躬。人思崔琰議。朝掩祭遵公。作善神何酷。依仁命不融。天文靈北斗。人事罷南宮。上宰旣傷舊。下流彌感衷。無恩報國士。徒欲問玄穹。

張丞相與予有孝廉校理之舊。又代予爲

荊州故有此贈

襄州刺史宋鼎

漢上登飛幟。荆南歷舊居。已嘗臨砌橘。更覩躍池魚。盛德繼微眇。深衷能卷舒。義申蓬閣際。情坦廟堂初。郡邑文章美。人懷燮理餘。皇恩儻昭亮。豈厭承明虛。

酬宋使君作

時來不自意。宿昔謬樞衡。翊聖負明主。妨賢媿友生。罷歸猶右職。待罪尚南荆。政有留裳舊。風因繼組成。高軒問疾苦。蒸庶荷仁明。衰廢時所薄。祇言僚故情。

酬通事舍人寓直見示篇中兼起居陸舍人景獻

軒掖殊清秘。才華固在斯。興因膏澤灑。情與惠風吹。所美應人譽。何私亦我儀。同轂感喬木。比翼謝長離。價以陸生減。賢慙鮑叔知。薄遊嘗獨愧。芳訊乃兼施。此夜金閨籍。伊人瓊樹枝。飛鳴

復何遠相顧幸媿媿

與袁補闕尋蔡拾遺會此公出行後蔡有  
五韻詩見贈以此篇答焉

轍迹陳家巷詩書孟子鄰偶來乘興者不值草  
玄人契是忘年合情非累日申聞君還薄暮見  
眷及茲辰贈我如瓊玖將何報所親

酬趙二侍御使西軍贈兩省舊寮

石室先鳴者金門待制同操刀嘗願割持斧竟  
稱雄應敵兵初起綠邊虜欲空使車經隴月征  
旆繞河風忽枉無金詔非徒秣馬功氣清蒲海  
內聲滿栢臺中顧已塵華省欣君震遠戎明時

獨匪報嘗欲退微躬

酬宋使君見貽

陟鄰初稟訓獻策幸逢時朝列且云忝君恩復  
若茲庭闈際海曲輶傳荷天慈顧已歡烏鳥聞  
君泣素絲才明應主召福善豈神欺但願白心  
在終然涅不緇

武司功初有幽庭春暄見詒夏首獲見以  
詩報焉

芳月盡離居幽懷重起予雖言春事晚尚想物  
華初遲日暝方照高齋澹復虛筭成林向密花  
落樹應疎贈鯉情無間求鶯思有餘暄妍不相

待含歎欲焉如

酬王履震遊園林見詒

宅生惟海縣。素業守郊園。中覽霸王說。上激明  
主恩。一行罷蘭筵。數載歷金門。既負潘生拙。俄  
從周任言。逶迤戀軒陛。蕭散及丘樊。舊徑稀人  
跡。前池耗水痕。併看芳樹老。唯覺弊廬存。自我  
棲幽谷。逢君翳覆盆。孟軻應有命。賈誼得無冤。  
江上傷行遠。林間偶避暄。地偏人事絕。時霽鳥  
鵲繁。獨善心俱閉。窮居道共尊。樂因南澗藻。憂  
豈北堂萱。幽意如投漆。新詩重贈軒。平生徇知  
已。窮達與君論。

候使石門驛

山檻憑高望。川途眇北流。遠林天翠合。前浦日  
華浮。萬井綠津渚。千艘咽渡頭。漁商多末事。耕  
稼少良疇。自守陳參榻。嘗登王粲樓。徒然騁目  
處。豈是獲心遊。向跡雖愚谷。求名異盜丘。息陰  
芳木所。空復越鄉憂。

登臨沮樓

高深不可厭。巡屬復來過。本與衆山絕。况茲韶  
景和。危樓入水倒。飛檻向空摩。雜樹綠青壁。樛  
枝掛綠蘿。潭清能徹底。魚樂好跳波。有象言雖  
具。無端思轉多。同懷不在此。孤賞欲如何。



陪王司馬登薛公道遙臺

嘗聞薛公淚。非直雍門琴。竄逐留遺跡。悲涼見此心。府中因暇豫。江上幸招尋。人事已成古。風流獨至今。閑情多感歎。清景曩登臨。無復甘棠在。空餘蔓草深。晴光送遠目。勝氣入幽襟。水去朝滄海。春來換碧林。賦懷湘浦。碑想漢川沈。曾是陪遊日。徒爲梁甫吟。

常與大理丞裴公太府丞田公偶詣一所  
林沼尤勝因並坐其次相得其歡遂賦詩  
焉以詠其事

方駕與吾友同懷不異羣。偶逢池竹處便會江

芳集作光

湖心夏近林方密。春餘水更深。清華兩輝映。閑步亦窺臨。蘋藻復佳色。鳧鷖亦好音。韶芳媚洲渚。蕙氣襲衣襟。蕭散皆爲樂。徘徊從所欽。謂子成夙志。歲晚共抽簪。

與弟遊家園

定省榮君賜。來歸是晝遊。林鳥飛舊里。園果讓新秋。枝長南庭樹。池臨北澗流。星霜屢爾別。蘭麝爲誰幽。善積家方慶。恩深國未酬。棲棲將義動。安得久情留。

郡內閒齋

郡閣晝常掩。庭蕪日復滋。簷風落烏毳。窓葉掛

讓家集作醜

蟲絲拙病宦情少。羈閑秋氣悲。理人無異績。爲郡但經時。唯有江湖意。沈冥空在茲。

城南隅山池春中田袁二公盛稱其美夏首獲賞果會夙言故有此詠

憶昨聞佳境。駕言尋昔蹊。非唯初物變。亦與舊遊睽。幽渚爲君說。清晨卽我携。途深獨睥睨。歷險共攀躋。林筍苞青籜。津楊委綠萋。荷香初出浦。草色復緣堤。樂處將鷗狎。譚端用馬齊。且言臨海郡。兼話武陵溪。異壤風烟絕。空山巖徑迷。如何際朝野。從此待金閨。

餞王尚書出邊

漢相推人傑。殷宗伐鬼方。還聞出將重。坐見卽戎良。上策應爲豫。中權且用光。令申兵氣倍。威懾虜魂亡。樹比公孫大。城如道濟長。夏雲登隴首。秋露擅遼陽。武德舒宸睎。文思餞樂章。感恩身旣許。激節膽猶嘗。祖帳傾朝列。軍麾駐道傍。詩人何所詠。尚父欲鷹揚。

送趙都護赴安西

將相有更踐。簡心良獨難。遠圖嘗畫地。超拜乃登壇。戎卽崑山序。車同渤海單。義無中國費。情必遠人安。他日文兼武。而今粟且寬。自然來月窟。何用刺樓蘭。南至三冬晚。西馳萬里寒。封侯

自有處征馬去嘽嘽

江上遇風疾風

疾風江上起。鼓怒揚烟埃。白晝晦如夕。洪濤激若雷。投林鳥鎩羽。入浦魚曝腮。瓦飛屋且發。帆快檣已摧。不知天地氣。何爲此喧阗。

西江夜行

遙夜人何在。澄潭月裏行。悠悠天宇曠。切切故鄉情。外物寂無擾。中流澹自清。念歸林葉換。愁坐露華生。猶有汀洲鶴。宵分乍一鳴。

南還湘水言懷

拙宦今何有。勞歌念不成。十年非夙志。一別悔前行。歸去田園老。儻來軒冕輕。江間稻正熟。林裏桂初榮。魚意思在藻。鹿心懷食苹。時哉苟不達。取樂遂吾情。

商洛山行懷古

園綺值秦末。嘉遁此山阿。陳迹向千古。荒途始一過。碩人久淪謝。喬木自森羅。故事昔嘗覽。遺風今豈訛。泌泉空活活。樵叟獨皤皤。是處清暉滿。從中幽興多。長懷赤松意。復憶紫芝歌。避世辭軒冕。逢時解薜蘿。盛明今在運。吾道竟如何。

南還以詩代書贈京師舊寮

薄宦晨昏闕。尊尊義取斯。窮愁年貌改。寂蔑爾

胡爲不語詞多忤無容禮益卑微生尚何有遠  
跡固其宜思擾梁山曲情遙越鳥枝故園從海  
上良友邈天涯雲雨歎一別川原勞載馳上慚  
伯樂顧中負叔牙知去國誠寥落經途弊險巖  
歲逢霜雪苦林屬蕙蘭萎欲贈幽芳歇行悲舊  
賞移一從關作限兩見月成規萼萼窮年簞行  
行盡路岐征鞍稅北渚歸帆指南垂樹晚猶惹  
菴江寒尚渺瀰土風從楚別山水入湘竒石瀨  
相奔觸烟林更蔽虧層崖夾洞浦輕舸泛澄漪  
松篠行皆傍禽魚動輒隨惜哉邊地隔不與故  
人窺疇昔陪鴛鷺朝陽振羽儀來音雖寂寞接  
景每逶迤朝罷冥塵事餐來話酒卮邀歡逐芳  
草結興選華池及此風成歎何時霧可披自憐  
無用者誰念有情離望美音容闊懷賢夢想疲  
因轂達霄漢持拙守東陲

初發道中贈王司馬兼寄諸公

昔歲嘗陳力中年退屏居承顏方弄鳥放性或  
觀魚曾是安疵拙誠非議卷舒林園事益簡烟  
月賞恒餘不意棲愚谷無階奉詔書湛恩均大  
造弱植愧空虛肅命趨仙闕僑裝擁傳車念行  
開祖帳憐別降題興誰謂風期許叨延禮數殊  
義沾投分末情及解携初追餞扶江界光輝燭

里闔子雲應寂寞。公叔為吹噓。景物春來異。音容日向踈。川原行稍穩。鍾鼓聽猶徐。林隔王公舉。雲迷班氏廬。戀親唯委咽。思德更躊躇。徇義當由是。懷安乃闕如。願酬明主惠。行矣豈徒歎。

自始與谿夜上赴嶺

嘗蓄名山意。茲為世網牽。征途屢及此。初復已非然。日落青巖際。谿行綠篠邊。去舟乘日後。歸鳥息人前。數曲迷幽嶂。連圻觸閭泉。深林風緒結。遙夜客情懸。非梗胡為送。無膏亦自煎。不知于役者。相樂在何年。

恩賜樂遊園宴

寶筵延厚命。供帳序群公。形勝宜春接。威儀建禮同。晴陽人似露。解慍物從風。朝慶千齡始。年華二月中。輝光遍草木。和氣發絲桐。歲歲無為化。寧知樂九功。

冬中至玉泉山寺屬窮陰未用崖谷無景及仲春行縣復往馬故有此作

靈境信幽絕。芳時重暄妍。再來及茲勝。一遇非無緣。萬木柔可結。千花敷欲然。松間鳴好鳥。林下流清泉。石壁開精舍。金光照法筵。真空本自寂。假有聊相宣。復此灰心者。仍追巢頂禪。簡書雖有畏。身世亦俱捐。

郡府中每晨輒見群鸚東飛至暮又行  
列而返。哢喉雲路甚和樂。馬子愧獨處江  
城。常目送此意有所羨。遂賦以詩。  
雲間有數鸚。撫翼意無違。曉日東田去。霽烟北  
渚歸。惟呼良自適。羅列好相依。遠集長江靜。高  
翔衆鳥稀。豈煩僊子馭。何畏野人機。却念乘軒  
者。拘留不得飛。

五言律詩

奉和聖製經孔子舊宅

孔  
丘門大出下。不見登封時。徒有先生法。今為明  
主思。恩加萬乘幸。禮致一牢祠。舊宅千年外。光

華空在茲。

奉和聖製次瓊嶽韻

山祗亦望幸。雲雨見靈心。嶽館逢朝霽。關門解  
宿陰。咸京天上近。清渭日邊臨。我武因冬狩。何  
言是卽禽。

奉和聖製送李尚書入蜀

眷言感忠義。何有間山川。狗節今如此。離情空  
復然。皇心在勤恤。德澤委昭宣。周月成功後。明  
年或勞還。

奉和聖製初出洛城

東土淹龍駕。西人望翠華。山川祗詢物。宮觀豈

爲家十月廻星斗。千官捧日車。洛陽無怨思。巡幸更非賒。

蘇侍郎紫薇庭各賦一物得芍藥

仙禁生紅藥。微芳不自持。幸因清切地。還遇艷陽時。名見桐君錄。香聞鄭國詩。孤根若可用。非直愛華滋。

和崔黃門寓直夜聽蟬之作

蟬嘶玉樹枝。向夕惠風吹。幸入連宵聽。應緣飲露知。思深秋欲近。聲靜夜相宜。不是黃金飭。清香徒爾爲。

和姚令公從幸溫湯喜雪

萬乘飛黃馬。千金狐白裘。正逢銀霰積。如向玉京遊。瑞色鋪馳道。花文拂綵旒。還聞吉甫頌。不共郢歌儔。

和王司馬折梅寄京邑昆弟

離別念同嬉。方榮欲共持。獨攀南國樹。遙寄北風時。林惜迎春早。花愁去日遲。還聞折梅處。更有棣華詩。

和黃門盧侍御詠竹

清切紫庭垂。葳蕤防露裊。色無玄月變。聲有惠風吹。高節人相重。身心世所知。鳳皇佳可食。一去一來儀。

和韋尚書荅梓州兄南亭宴集

棠棣聞餘興。烏衣有舊遊。門前杜城陌。池上曲江流。暇日嘗繁會。清風詠阻脩。始知西峙嶽。同氣此相求。離平源贈弟有子

荅陳拾遺贈竹簪

與君嘗此志。因物復知心。遺我鍾龍節。非無玳瑁簪。幽素宜相重。雕華豈所任。爲君安首飾。懷此代兼金。

在洪州荅綦母學生

旬日不愆期。由來自若時。爾無言郡政。吾豈欲天欺。常念涓塵益。惟歡草樹滋。課成非所擬。人

望在東菴。

酬王六霽後書懷見示

雲雨俱行罷。江天已洞開。炎氛霽後滅。邊緒望中來。作驥君垂耳。爲魚我曝鰓。更憐湘水賦。還是洛陽才。

酬王六寒朝見詒

賈生流寓日。楊子寂寥時。在物多相背。唯君獨見思。漁爲江上曲。雪作郢中詞。忽枉兼金訊。長懷伐木詩。

三月三日登龍山

伊川與灞津。今日祓除人。豈似龍山上。還同湘



水濱衰顏憂更老。淑景望非春。袂飲豈吾事。聊將偶俗塵。

晚霽登王六東園

試上江樓望。初逢山雨晴。連空青嶂合。向晚白雲生。彼美要殊觀。蕭條見遠情。情來不可極。日暮水流清。

林亭詠

穿竹非求麗。幽閑欲寄情。偶懷因壞石。真意在蓬瀛。苔益山文古。池添竹氣清。從茲果蕭散。無事亦無營。

園中時蔬盡皆鋤理。唯秋蘭數本委而不

顧彼雖一物。有足悲者。遂賦二章。

場藿已成歲。園葵亦向陽。蘭時獨不偶。露節漸無芳。昔異菁爲畜。甘非蔗有漿。人多利一飽。誰復惜馨香。

幸得不鋤去。孤苗守舊根。無心羨昔蓄。豈欲近名園。遇賞寧充佩。爲生莫礙門。幽林芳意在。非是爲人論。

谿行寄王震

山氣朝來爽。谿流日向清。遠心何處愜。閑掉此中行。叢桂林間待。群鷗水上迎。徒然適我願。幽獨爲誰情。

送使廣州

家在湘源住。君今海嶠行。經過中正道。相送倍為情。心逐書郵去。形隨世網嬰。因嚴謝遠別。緣義不緣名。

送姚評事入蜀各賦一物得卜肆

蜀巖化已久。沈冥空所思。嘗聞賣卜處。猶憶下簾時。驅傳應經此。懷賢儻問之。歸來說往事。歷歷偶心期。

送竇校書見錢得雲中辨江樹

江水連天色。天涯淨野氛。微明岸傍樹。凌亂渚前雲。舉棹形隨轉。登臚意漸分。渺茫從此去。空復惜離群。

復惜離群

錢王司馬入計同用洲字

寒行上計舉。錢出林丘忽。望題輿遠。空思解。遊別筵。鋪柳岸。征棹倚蘆洲。獨歎湘江水。朝雲向北流。

東湖臨泛錢王司馬

南土秋雖半。東湖草未黃。聊乘風日好。來泛芰荷香。蘭棹每勞速。菱歌不厭長。忽懷京洛去。難與共清光。

錢濟陰梁明府各探一物得荷葉

荷葉生幽渚。春芳華信在。茲朝朝空此。地采采欲

每集作無

榻

因誰但恐星霜改。還將蒲稗衰。懷君美人別。聊以贈心期。

錢陳學士還江南同用徵字

荷篠旋江澳。銜杯餞霸陵。別前林鳥息。歸處海煙凝。風土鄉情接。雲山客念憑。聖朝巖穴選。應待鸚書徵。

通化門外送別

屢別容華改。長愁意緒微。義將私愛隔。情與故人歸。薄宦無時賞。勞生有事機。離魂今夕夢。先繞舊林飛。

送楊道士往天台

鬼谷還成道。天台去學仙。行應松子化。留與世人傳。此地烟波遠。何時羽駕旋。當須一把袂。城郭共依然。

送楊府李功曹

平生屬良友。結綬望光輝。何知人事拙。相與宦情非。別路穿林盡。征帆際海歸。居然已多意。况復兩鄉遠。

送宛句趙少府

解巾行作吏。樽酒謝離居。脩竹含清景。華池澹碧虛。地將幽興愜。人與舊遊疎。林下紛相送。多逢長者車。

送帝城李少府

送客南昌尉。離亭西候春。野花香欲盡。林鳥聽猶新。別酒青門路。歸軒白馬津。相知無遠近。萬里尚爲鄰。

送蘇主簿赴偃師

我與文雄別。胡然邑吏歸。賢人安下位。鷲鳥欲卑飛。激節輕華冕。移官徇綵衣。羨君行處樂。從此拜庭闈。

送廣州周判官

海郡雄蠻落。津亭壯越臺。城隅百雉映。水曲萬家開。里樹桄榔出。時禽翡翠來。觀風猶未盡。早

晚使車迴

郡江南上別孫侍御

雲嶂天涯盡。川途海縣窮。何言此地僻。忽與故人同。身負邦君弩。情紆御史驄。王程不我駐。離思逐秋風。

奉酬洪州江上見贈

監察御史孫翊

受命讞封疆。逢君牧豫章。於焉審虞芮。復爾共舟舫。恨別秋陰盡。懷歸客思長。江臯枉離贈。持此慰他鄉。

自豫章南還江上作

歸去南江水。磷磷見底清。轉逢空闊處。聊洗滯

留情浦樹遙如待。江鷗近若迎。津途別有趣。况乃濯吾纓。

道逢北使題贈京邑親知

征驂稍靡靡。去國方遲遲。路遠南登岸。情搖北上旗。故人憐別日。旅鴈逐歸時。歲晏無芳草。將何寄所思。

江上使風呈裴宣州

江路與天連。風帆何淼然。遙林浪出沒。孤舫鳥聯翩。常愛千鈞重。深思萬事捐。報恩非徇祿。還逐賈人船。

再酬使風見示

刺史裴耀卿

五湖鄰艱哉。萬里人驚聽。翻是託危浪。亦相因宣室。才華子金閨。諷議臣承明。有三入去速歸輪。

將至岳陽有懷趙二

湘岸多深林。青冥晝結陰。獨無謝客賞。况復賈生心。草色雖云發。天光或未臨。江潭非所遇。爲爾白頭吟。

初發道中寄遠

日夜鄉山遠。秋風復此時。舊聞胡馬思。今聽楚猿悲。念別朝昏苦。懷歸歲月遲。壯圖空不息。常恐髮如絲。

自湘水南行

落日催行舫。逶迤洲渚間。雖云有物役。乘此更  
休閑。暝色生前浦。清暉發近山。中流澹容與。唯  
愛鳥飛還。

初入湘中有喜

征鞍窮郢路。歸棹入湘流。望鳥唯貪疾。聞猿亦  
罷愁。兩邊楓作岸。數處橘爲洲。却記從來意。離  
疑夢裏遊。

耒陽溪夜行

乘夕棹歸舟。緣源路轉幽。月明看嶺樹。風靜聽  
溪流。嵐氣船間入。霜華衣上浮。猿聲雖此夜。不

是別家愁。

江上

長林何繚繞。遠水復悠悠。盡日餘無見。爲心那  
不愁。憶將親愛別。行爲主恩酬。感激空如此。芳  
時屢已過。

自彭蠡湖初入江

江岫殊空闊。雲烟處處浮。上來群噪鳥。中去獨  
行舟。牢落誰相顧。逶迤日自愁。更將心問影。于  
役復何求。

赴使瀧峽

谿路日幽深。寒空入兩嶽。霜清百丈水。風落萬

重林夕鳥聯歸翼。秋猿斷去心。別離多遠思。况乃歲方陰。

湖口望廬山瀑布水

萬丈洪泉落。迢迢半紫氛。奔飛下雜樹。灑落出重雲。日照虹蜺似。天清風雨聞。靈山多秀色。空水共氤氲。

湏陽峽

行舟傍越岑。窈窕越溪深。水閣先秋冷。山晴當晝陰。重林間五色。對壁聳千尋。惜此生遐遠。誰知造化心。

使至廣州

昔年嘗不調。茲地亦遄迴。本謂雙鳧少。何知駟馬來。人非漢使橐。郡是越王臺。去去雖殊事。山川長在哉。

春江晚景

江林皆秀發。雲日復相鮮。征路那逢此。春心益渺然。興來祇自得。佳處莫能傳。薄暮津亭下。餘花滿客船。

與王六履震廣州津亭曉望

明發臨前渚。潮來淨遠空。水紋天上碧。日氣海邊紅。景物紛爲異。人情賴此同。乘槎自有適。非欲破長風。

初發曲江谿中

溪流清且深。松石復陰臨。正爾可嘉處。胡為無賞心。我由不忍別。物亦有緣侵。自匪嘗行邁。誰能知此音。

旅宿淮陽亭口號

日暮荒亭上。悠悠旅思多。故鄉臨桂水。今夜渺星河。暗草霜華發。空亭鴈影過。興來誰與晤。勞者自為歌。

望月懷遠

海上生明月。天涯共此時。情人怨遙夜。竟夕起相思。滅燭憐光滿。披衣覺露滋。不堪盈手贈。還

寢夢佳期

秋夕望月

清迥江城月。流光普照同。所思如夢裏。相望在庭中。皎潔青苔露。蕭蕭白葉風。含情不得語。頻使桂華空。

詠鷺 柳韞調李相作

海鷺何微眇。乘春亦竟來。豈知泥滓賤。祇見玉堂開。繡戶時雙入。華軒日幾迴。無心與物競。鷹隼莫相猜。

勅賜寧王池宴

賢王有池館。明主賜春遊。淑氣林間發。恩光水



上淨徒慚和鼎地。終謝巨川舟。皇澤空如此。輕生莫可酬。

天津橋東旬宴得歌字韻

清洛象天河。東流形勝多。朝來逢宴喜。春盡却妍和。泉館歡時躍。林鶯醉後歌。賜恩頻若此。爲樂柰人何。

上陽水閣旬宴得移字韻

河漢非應到。汀洲忽在斯。仍逢帝樂下。如逐海槎窺。春賞時將換。皇恩歲不移。今朝遊宴所。莫比天泉池。

故刑部李尚書荆谷山集會

嘗聞繼老聃。身退道彌耽。結宇倚青壁。疏泉噴碧潭。苔石隨人古。烟花寄酒酣。山光紛尚夕。歸興杜城南。

三月三日申王園亭宴集

藉亭追往事。睢苑勝前聞。飛閣凌芳樹。華池落綵雲。藉草人留酌。銜花鳥赴群。向來同賞處。惟恨碧林曛。

立春日晨起對積雪

忽對林亭雪。瑤華處處開。今年迎氣始。昨夜伴春迴。玉潤慙前竹。花繁院裏梅。東郊齋祭所。應見五神來。

庭梅詠

芳意何能早。孤榮亦自危。更憐花蒂弱。不受歲寒移。朝雪那相妬。陰風已屢吹。馨香雖尚爾。飄蕩復誰知。

剪綵

姸女矜容色。為花不讓春。既爭芳意早。誰待物華真。葉作參差發。枝從點綴新。自然無限態。長在艷陽人。  
某人作長

聽箏

端居正無緒。那復發秦箏。纖指傳新意。繁絃起怨情。悠悠揚思欲絕。掩抑態還生。豈是聲能感人

心自不平。

初秋憶金均兩弟

江渚秋風至。他鄉離別心。孤雲愁自遠。一葉感何深。憂喜嘗同城。飛鳴忽異林。青山西北望。堪作白頭吟。

秋懷

感惜芳時換。誰知客思懸。憶隨鴻向暖。愁學馬思邊。留滯機還息。紛拏網自牽。東南起歸望。何處是江天。

故刑部李尚書挽詞三首

仙宗出趙北。相業起山東。明德嘗為禮。嘉謀屢

作忠論經白虎殿獻賦甘泉宮與善今何在蒼  
生望已空

其二

宿昔三台踐榮華駟馬歸印從青瑣拜翰入紫  
宸揮題劔恩方重藏舟事已非龍門不可望感  
激涕沾衣

其三

求歎常山寶沈埋京兆阡同盟會五月華表記  
千年。湫漫野中草微茫空裏烟共悲人事絕唯  
對杜陵田

故徐州刺史贈吏部侍郎蘇公挽歌詞三

首

韋玄方繼相文復府名在貴氣天爵能賢出  
世卿學聞金馬詔神見玉人清。瘞壑今如此爲  
山遂不成

其二

相如只謝病子敬忽云亾豈悟瑤臺雪分彫玉  
樹行清規留草議故事在封章本謂山公啓而  
今歿始揚

其三

返葬長安陌秋風蕭鼓悲奈何相送者不是平  
生時寒影催年急哀歌助晚遲寧知建旗罷丹

旄向京師

故滎陽君蘇氏挽歌詞三首

門緒公侯列。嬪風詩禮行。松蘿方有寄。桃李忽無成。劍去雙龍別。雛哀九鳳鳴。何言嶧山樹。還似半心生。

其二

永嘆芳魂斷。行看草露滋。二宗榮盛日。千古別離時。竟罷生芻贈。空留畫扇悲。容車候曉發。何歲是歸期。

其三

編服紛相送。玄扁醫不開。更悲泉火滅。徒見柳車迴。舊室容衣奠。新堂拱樹栽。唯應月照簾。滄岳此時哀。

眉州康司馬挽歌

家受專門學。人稱入室賢。劉楨徒有氣。管輅獨無年。謫去長沙國。魂歸京兆阡。從茲匣中劍。埋歿罷衝天。

七言律

奉和聖製早發三鄉山行

羽衛森森西向秦。山川歷歷在清晨。晴雲稍卷寒巖樹。宿雨能銷御路塵。聖德由來合天道。靈符卽此應時巡。遺賢一一皆羈致。猶欲高深訪

隱淪

奉和聖制龍池篇

天啓神龍生碧泉。泉水靈源浸迤延。飛龍已向珠潭出。積水仍將銀漢連。岸傍花柳看勝盡。浦上樓臺問是仙。我右元符從此得。方爲萬歲壽圖川。

五言絕句

奉和聖製經函谷關作

函谷雖云險。黃河復已清。聖人無所隔。空此置關城。

奉和聖製渡漣水口

隱嶂故城壘。空涼空戍樓。在德不在險。方知王道休。

荅太常新博士見贈一絕

上苑春先入。中國花盡開。唯餘幽徑草。尚待日光催。

照鏡見白髮聯句

宿昔青雲志。蹉跎白髮年。誰知明鏡裏。形影自相憐。

雜言

奉和聖製瑞雪篇

萬年春三朝日。上御明臺旒。庭實初瑞雪。兮霏

微俄同雲兮蒙密。此時騷切陰風生。先過金殿  
有餘清。信宿嬋娟飛雪度。能使玉人俱掩嫫。皓  
皓擗前月初白。紛紛陌上塵皆素。昨訝騎陽積  
數旬。始知和氣待迎新。匪惟在人利。曾是扶天  
意。天意豈云遙。雪下不崇朝。皇情翫無斁。雪委  
方盈尺。草樹紛早榮。京兆宛先積。君恩誠謂何。  
歲稔復人和。預數斯箱慶。應如此雪多。朝寬旒  
兮載悅。想篋笠兮農節。倚瑤琴兮或歌。續薰風  
兮瑞雪。福浸昌。應充盛。瑞雲年年常感聖。願以  
栢梁作長爲柳花詠。

奉和聖製溫泉歌

有時神物待聖人去。後湯還冷來時樹亦春。今  
茲十月自東歸。羽旆逶迤上翠微。溫泉谷葱蔥佳  
氣色。離宮奕奕斗光輝。臨渭川近天邑。浴日溫  
泉復在茲。群仙洞府那相及。吾君利物心玄澤。  
浸蒼黔。漸漬神湯無疾苦。薰歌一曲感人深。

亳州薛考功君采嘗以曲江集舊本  
借余因次其誣手定各從其類加冠  
二賦倩人錄出別存之嘉靖甲申蘇  
門山人題於吏部稽勳官舍

張曲江集卷二終

張曲江集補遺

奉和聖製途次陝州作

馳道當河陝陳詩問國風川原三晉別襟帶兩  
京同後殿函關盡前旌塞路通行看洛陽陌光  
景麗天中

讀書巖中寄沈郎中

素有巖泉僻全無車馬音溪流通海曲洞壑  
軒陰石几漁舟傍沙灣鷗鷺臨仙禽胡不至野  
鶴恒自吟慮定時觀易泉深間撫琴真有清涼  
處不令炎熱侵寄語吾知己同來賞此心

附沈佺期寄題書堂巖



南山有巖洞崆峒厥奇景直頂多懸巒陡壁  
開軒景一水石底穿澄潭見人影几席排天  
然讀書堪晝永巖外雲霞聯溪間嵐氣冷幽  
寐透心空清曠徹理靜雖未嘗遨遊友我神  
相領寤寐時及之塵眸豁然醒寄語與山靈  
祇今愧萍梗無能伴答主人響谷長崑岡

登總持寺閣

香閣起崔嵬高高沙板開攀躋千仞上紛詭萬  
形來草間商君陌雲重漢后臺山從函谷斷川  
向斗城迴林裡春容變天邊客思催登臨信為  
美懷遠獨悠哉

晚憇王少府東閣

披軒肆流覽雲壑見深重水空心秋彌淨林煙晚  
更濃坐隅分洞府簷際列羣峯窈窕生幽意參  
差多異容還慚大隱跡空想列仙蹤賴此昇攀  
處蕭條得所從

洪州西山祈雨是日輒應因賦詩言事

茲山蘊靈異走望良有歸邱禱雖已久坻心難  
重違遲明申藻薦先夕旅巖扉獨宿雲峰下蕭  
條人吏稀我來不外適幽抱自中微靜入風泉  
奏涼生松栝圍窮年滯遠想寸晷閔清暉虛美  
悵無屬素情緘所依詭隨嫌弱操羈束謝貞肥

義濟亦吾道誠存為物祈靈心倏已應甘渥幸  
而飛閉閣且無責隨車安敢希多慚德不感安  
知復是耶非

答王維

荆門憐野雁湘水斷飛鴻知已如相憶南湖一  
片風

附王維寄荊州張丞相

所思竟何在悵望深荆門舉世無相識終身  
念舊恩方將典農圃藝植老邱園目盡南無  
雁何由寄一言

答陸澧

松葉堪為酒春來釀幾多不辭山路遠踏雪也  
相過

附詩

初發荊府贈長史

宋之問

三載相孤立千秋鑑獨存仍隨五馬謫載與兩  
禽奔明主無由見群公莫可言幸君逢聖日何  
惜理虞翻

獻始興公

王維

寧棲野樹林寧飲澗水流不用坐梁肉崎嶇見  
王侯鄙哉匹夫節布褐將白頭任智誠則短守  
仁固其優側聞大君子安問黨與仇所不賣公

器動為蒼生謀賤子跪自陳可為帳下不感激  
有公議曲私非所求

荊州上張丞相

孟浩然

共理分荆國招賢愧楚材  
台南風更闌丞相覺  
還開靚止欣眉睫沉淪拔草萊  
坐登柰孺榻頻  
接李膺杯始慰蟬鳴柳  
俄看雪間梅四時年籥  
盡千里客程催日下瞻歸翼  
沙邊厭曝腮佇聞  
宣室召星象復中台

陪張丞相祠紫蓋山途經玉泉寺 前人

望秩宣王命齋心待漏行  
青襟列胄子從事有  
參卿五馬尋歸路雙林指化城  
聞鐘度門近照

瞻玉泉清皂蓋依林憩  
緇徒擁錫迎天官近甍  
率沙界豁迷明欲就終焉志  
恭聞智者名人隨  
逝水歎波逐覆舟傾想像若在眼  
周流空復情謝  
公還欲卧誰與濟蒼生

陪張丞相自松滋江東泊渚宮 前人

放溜下松滋登舟命檝師寧忘經濟日  
不憚五  
寒時洗情豈獨古濯纓良在茲  
政成人自理機  
息鳥無疑雲物吟孤嶼江山辯四維  
晚來風稍  
緊冬至日行遲獵響驚雲夢漁歌激楚辭  
渚宮  
何處是川暝欲安之

和張丞相春朝對雪

前人

迎氣當春立，承恩喜雪來。潤從河漢下，花遍艷陽開。不覩豐年瑞，安知燮理才。散鹽如可擬，願糝和羹梅。

臨洞庭湖有懷張丞相

前人

八月湖水平，涵虛混太清。氣蒸雲夢澤，波撼岳陽城。欲濟無舟楫，端居耻聖明。坐觀垂釣者，徒有羨魚情。

讀金鑑錄有感

蘇軾

遠溯淵源曲水東，猶存文獻舊家風。江南作相何人始，嶺表孤忠獨我公。豈特魏房姚宋上，直追天保曲阿中。幸將歲鑑當前照，半百痴迷頓

破蒙

攷公本傳公所著曲江集詩賦十二卷，千秋金鑑錄五卷，講經語錄二卷，姓源諧韻一卷，久不傳。明成化間邱文莊公得曲江集於館閣，群書中手鈔成帙，刻之原無金鑑錄。先刻於廣州文莊公指其偽，鄧氏瑗序公集亦云金鑑錄為楊貴妃所焚，不傳。今本乃雲門寺僧贗作。乾隆庚寅八月，寓燕邸，從同鄉朱鴻臚處借得曲江全集讀之。蓋順治間刻于韶郡者，詩文十二卷，金鑑錄五卷，附錄一卷。按金鑑錄辭理膚淺，援引舛錯，信非公書。但鄧氏謂出雲門寺

僧手未詳所據蘓文忠公讀金鑑錄賦詩所讀  
其即今本耶抑別有真本耶如宋時尚有真本  
不應無傳若蘇公所讀即贗本何無一言及其  
真偽豈所謂與其過而廢之毋寧過而存之歟  
閱公全集適案頭有此詩本因舉以警校遺者  
補之錄附詩于後第全集詩亦有誤入如受命  
讞封疆一首為孫翊詩茂先實王佐一首茲地  
五湖隣一首皆裴耀卿詩至秋天碧雲夜一首  
則李林甫詩有公和詩題內先後行之戲語可  
証全集俱誤作公詩坊間別有詩文刻本係王  
氏順民序刻在萬歷間者並誤宜改正 景溪識

